

Acta da Xunta de Goberno correspondente á ordinaria do 27 de abril de 2017

No Pazo da Deputación Provincial de Ourense, o vinte e sete de abril do ano dous mil dezasete, ás nove horas, reúnese a Xunta de Goberno da Deputación baixo a presidencia de don Rosendo Luis Fernández Fernández (vicepresidente 1º), en substitución do titular don José Manuel Baltar Blanco, presidente da mencionada Deputación -que como tal é da Xunta-, cos deputados/as, don Plácido Álvarez Dobaño, don Manuel Doval Soto, dona Ana M.^a Villarino Pardo, don Pablo Pérez Pérez e don Juan Anta Rodríguez, os que constitúen a maioría absoluta da devandita xunta, co fin de celebrar sesión ordinaria en primeira convocatoria e tratar nela os asuntos que figuraban na orde do día.

Asiste o interventor accidental, don José Mosquera Casero, xefe do Servizo de Intervención, en substitución da titular, e dá fe do acto, o vicesecretario xeral, don Juan Marquina Fuentes.

Non asisten á sesión a deputada provincial dona Montserrat Lama Nóvoa e o deputado provincial e vicepresidente 2º, don Jorge Pumar Tesouro, que escusan a súa ausencia.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR, ORDINARIA, DO DÍA 21 DE ABRIL DE 2017.-

Unha vez examinada a acta da sesión ordinaria que tivo lugar o día vinte e un de abril de dous mil dezasete, a **Xunta de Goberno** da Deputación **acordou**, por unanimidade, a súa aprobación, sen observacións.

2.- MODIFICACIÓN DO CONVENIO MARCO DE COLABORACIÓN COAS ENTIDADES LOCAIS DA PROVINCIA PARA A PRESTACIÓN DE ASISTENCIA TÉCNICA DE XESTIÓN DE CONCESIÓN DEMANIAIS DE ABASTECIMENTO DE AUGA POTABLE.-

Unha vez visto o ditame favorable da Comisión Informativa de Termalismo, Turismo e Medio Ambiente, de data 20 de abril de 2017, a **Xunta de Goberno**, por unanimidade, **adopta** o seguinte **acordo**:

1º.- Aprobación da modificación do Convenio marco de colaboración coas entidades locais da provincia para a prestación de asistencia técnica de xestión de concesións demaniais de abastecemento de auga potable, co seguinte contido:

Dáselle unha nova redacción á cláusula 3ª.1 que queda redactada do seguinte xeito:

3ª.1 En contraprestación polo servizo prestado, a Deputación Provincial percibirá os seguintes prezos públicos:

Acta da Xunta de Goberno correspondente á ordinaria do 27 de abril de 2017

- Pola xestión de cada expediente de concesión de abastecemento de auga potable: 500 €.
- Por cada análise de auga da captación incluída dentro do ámbito de aplicación do Real decreto 140/2003: 459,25 €.
- Por cada análise de auga da captación excluída do ámbito de aplicación do Real decreto 140/2003: 150 €.

Estes importes non inclúen o IVE, que será aplicado e repercutido conforme co tipo de gravame vixente no momento da devindicación deste imposto.

Os prezos devindicaranse no momento da presentación da documentación completa da solicitude de concesión ante o organismo de conca competente. A Deputación Provincial aprobará a oportuna liquidación unha vez devindicado o prezo publico, liquidación que se lle notificará á entidade local interesada outorgándolle un prazo de noventa días para o seu pago.

2º.- Ordenar a publicación deste acordo no Boletín Oficial da Provincia, para xeral coñecemento.

3.- MODIFICACIÓN DO CONVENIO MARCO DE ASISTENCIA TÉCNICA ÓS MUNICIPIOS E DEMAIS ENTIDADES LOCAIS PARA O CONTROL E MANTEMENTO DE DEPURADORAS COMPACTAS.

- Unha vez visto o ditame favorable da Comisión Informativa de Termalismo, Turismo e Medio Ambiente, de data 20 de abril de 2017, a **Xunta de Goberno**, por unanimidade, **adopta** o seguinte **acordo**:

1º.- Aprobar a modificación do Convenio de asistencia técnica ós municipios e demais entidades locais para o control e mantemento de depuradoras compactas, co seguinte contido:

Dáselle unha nova redacción á cláusula 3ª.1.c que queda redactada do seguinte xeito:

3ª.1.c. Concellos que necesiten pola súa autorización de vertido análise de organismo colaborador: 200 € máis o IVE por análise.

2º.- Ordenar a publicación deste acordo no Boletín Oficial da Provincia, para xeral coñecemento.

4.- MODIFICACIÓN DO CONVENIO MARCO DE COLABORACIÓN COAS ENTIDADES LOCAIS DA PROVINCIA PARA A PRESTACIÓN DE ASISTENCIA TÉCNICA EN MATERIA DE XESTIÓN DE AUTORIZACIÓNS DE VERTIDOS DE

Acta da Xunta de Goberno correspondente á ordinaria do 27 de abril de 2017

AUGAS RESIDUAIS URBANAS MUNICIPAIS DURANTE OS EXERCICIOS 2015 E SEGUINTE.

- Unha vez visto o ditame favorable da Comisión Informativa de Termalismo, Turismo e Medio Ambiente, de data 20 de abril de 2017, así como a proposta de rectificación de erro material no citado ditame (derivado da proposta sometida no seu día a ditame da referida comisión), a **Xunta de Goberno**, por unanimidade, **adopta** o seguinte **acordo**:

1º.- Aprobar a modificación do Convenio marco de colaboración coas entidades locais da provincia para a prestación de asistencia técnica en materia de xestión de autorizacións de vertidos de augas residuais urbanas municipais durante os exercicios 2015 e seguintes, co seguinte contido:

Dáselle unha nova redacción á cláusula 3ª.1.b que queda redactada do seguinte xeito:

3ª.1.b. Autorización de núcleos de máis de 250 habitantes equivalentes:

- Por realización da prestacións previstas no apartado a) da cláusula 2.1: 300 €/ud.
- Por realización das análises previstas no apartado b.2) da cláusula 2.1: 418,40 €/ud.
- Por realización da prestación prevista no apartado b.3) da cláusula 2.1, no caso que fose necesaria: 200 €.

2º.- Ordenar a publicación deste acordo no Boletín Oficial da Provincia, para xeral coñecemento.

5.-MODIFICACIÓN DO CONVENIO MARCO DE COLABORACIÓN COAS ENTIDADES LOCAIS DA PROVINCIA PARA A PRESTACIÓN DE ASISTENCIA TÉCNICA PARA A EXPLOTACIÓN DE ESTACIÓNS DEPURADORAS DE AUGAS RESIDUAIS DE TIPO BIOLÓXICO E BIODISCOS DURANTE OS EXERCICIOS 2015 E SEGUINTE.

- Unha vez visto o ditame favorable da Comisión Informativa de Termalismo, Turismo e Medio Ambiente, de data 20 de abril de 2017, a **Xunta de Goberno**, por unanimidade, **adopta** o seguinte **acordo**:

1º.- Aprobar a modificación do Convenio marco de colaboración coas entidades locais da provincia para a prestación de asistencia técnica para a explotación de estacións depuradoras de augas residuais de tipo biolóxico e biodiscos durante os exercicios 2015 e seguintes, co seguinte contido:

Dáselle unha nova redacción á cláusula 3ª.2.c) que queda redactado do seguinte xeito:

- 3ª.2.c) Pola realización de análise ECA: 200 € por análise.

Acta da Xunta de Goberno correspondente á ordinaria do 27 de abril de 2017
--

2º.- Ordenar a publicación deste acordo no Boletín Oficial da Provincia, para xeral coñecemento.

6.- MODIFICACIÓN DO CONVENIO MARCO DE COLABORACIÓN ENTRE A DEPUTACIÓN PROVINCIAL DE OURENSE E OS CONCELLOS E MANCOMUNIDADES DA PROVINCIA PARA O CUMPRIMENTO DAS OBRIGAS MUNICIPAIS EN MATERIA DE AUGAS DESTINADAS AO CONSUMO HUMANO PREVISTAS NO REAL DECRETO 140/2003, DO 7 DE FEBREIRO, DURANTE OS EXERCICIOS 2017 E SEGUINTE.

- Unha vez visto o ditame favorable da Comisión Informativa de Termalismo, Turismo e Medio Ambiente, de data 20 de abril de 2017, a **Xunta de Goberno**, por unanimidade, **adopta** o seguinte **acordo**:

1º.- Aprobar o Convenio marco de colaboración entre a Deputación Provincial de Ourense e os concellos e mancomunidades para o cumprimento das obrigas municipais en materia de augas destinadas ao consumo humano previstas no Real decreto 140/2003, do 7 de febreiro, durante o exercicio 2017 e seguintes, consonte coas seguintes cláusulas:

1ª) Obxecto

Constitúe o obxecto deste convenio marco a regulación das condicións da prestación pola Deputación Provincial aos concellos ou mancomunidades da provincia do servizo de asistencia técnica para o cumprimento das obrigas municipais previstas no Real decreto 140/2003, do 7 de febreiro, polo que se establecen os criterios sanitarios de calidade das augas de consumo humano, durante o exercicio 2017 e os exercicios seguintes aos que se prorrogue a súa vixencia conforme co establecido na cláusula 6ª.

Este convenio adóptase en exercicio da competencia provincial para prestarlles asistencia e cooperación aos concellos e demais entidades locais en materia de servizos municipais, prevista no artigo 36.1.a) e b) da Lei 7/1985, do 2 de abril, reguladora das bases do réxime local, e da competencia municipal (xa a exerzan os concellos, xa se atope delegada nunha mancomunidad) para a ordenación e xestión do servizo de abastecemento domiciliario de auga potable, configurado como servizo mínimo obrigatorio polo artigo 26 da mesma lei básica de réxime local.

2ª) Condicións da prestación do servizo

A Deputación Provincial prestaralles aos concellos ou mancomunidades adheridos a este convenio os seguintes servizos:

Acta da Xunta de Goberno correspondente á ordinaria do 27 de abril de 2017

a) Identificación e catalogación dos sistemas de abastecemento e os seus elementos constitutivos.

b) Elaboración do programa anual de control analítico que se debe someter á aprobación da autoridade sanitaria, incluíndo a súa tramitación, informe e correccións pertinentes.

c) Formación do persoal da entidade local para a realización da toma de mostras e os controis diarios nos puntos de toma que se definan. A formación do persoal realizarase en dependencias da Deputación na cidade de Ourense, de xeito conxunto para varias entidades locais, co fin de minimizar custos, nas datas que se comunicarán oportunamente. Os gastos de desprazamento do persoal correrán por conta das entidades locais interesadas.

d) Realización de todas as análises (agás as de control diario) do programa anual de mostraxe aprobado, incluída a toma de mostras e a repetición das análises en caso de desconformidade do resultado. A realización das análises inclúe ademais a alta e mantemento dos resultados no SINAC. Realizaranse tamén as análises de parámetros específicos que, de ser o caso, requira a autoridade sanitaria.

Os servizos relacionados nos apartados a) e/ou c) non se prestarán no caso de entidades nas que non sexa necesaria porque xa teñan debidamente identificados e catalogados os seus sistemas de abastecementos ou xa dispoñan de persoal cualificado para a realización dos controis diarios, respectivamente.

Os servizos serán prestados pola Deputación Provincial a través da entidade Aquaourense, Sociedade Provincial de Augas e Medio Ambiente, SA, sociedade de capital mixto participada pola Deputación Provincial, na súa condición de concesionaria do servizo provincial de asistencia e cooperación con entidades locais en materia de servizos relacionados co ciclo hidráulico e medio ambiente. Os servizos prestaranse a partir das seguintes datas:

a) Para as entidades locais que estivesen adheridas ao convenio marco de colaboración do 27 de marzo de 2015, correspondente a 2015 e seguintes, consideraranse prestados ao abeiro deste convenio todos os servizos comprendidos no seu obxecto que se realicen a partir do 1 de abril do 2017.

Acta da Xunta de Goberno correspondente á ordinaria do 27 de abril de 2017

b) Para as entidades locais que non estivesen adheridas ao convenio marco de 2015, a partir do primeiro día hábil do mes seguinte a aquel no que teña entrada no Rexistro da Deputación o documento de adhesión.

3ª) Retribución económica

1. En contraprestación polo servizo prestado, a Deputación Provincial percibirá os seguintes prezos públicos:

a) Identificación e catalogación dos sistemas de abastecemento e os seus elementos constitutivos: 270 euros.

b) Elaboración do programa anual de control analítico que se debe someter á aprobación da autoridade sanitaria, incluíndo a súa tramitación, informe e correccións pertinentes: 75 euros.

c) Formación do persoal da entidade local para a realización da toma de mostras e os controis diarios nos puntos de toma que se definan: 45 euros. Non inclúe gastos de desprazamento do persoal ao centro no que se realice a acción formativa, que correrán a cargo das entidades locais interesadas.

d) Realización de todas as análises (agás as de control diario) do programa anual de mostraxe aprobado, incluída a toma de mostras e a repetición das análises en caso de desconformidade do resultado, e ademais a alta e mantemento dos resultados no SINAC:

Análise completa: 459,25 euros

Análise de billa: 35 euros

Análise de control de rede: 35 euros

Análise de trihalometanos: 45,6 euros

Arsénico: 25 euros

Ferro: 25 euros

Manganeso: 25 euros

Níquel: 25 euros

Oxidabilidade: 25 euros

Cloruros: 25 euros

Microcistinas: 60 euros

Antimonio: 25 euros

Boro: 25 euros

Acta da Xunta de Goberno correspondente á ordinaria do 27 de abril de 2017

Cadmio: 25 euros
Cromo: 25 euros
Chumbo: 25 euros
Selenio: 25 euros
Índice de Langelier: 25 euros
Carbono orgánico total: 25 euros
Aluminio: 25 euros
a-HCH: 50 euros
Aldrin: 50 euros
Ametrina: 50 euros
Atrazina: 50 euros
b-HCH: 50 euros
d-HCh: 50 euros
Diazinon: 50 euros
Dieldrin: 50 euros
Endosulfan I: 50 euros
Endosulfan II: 50 euros
Endosulfan sulfato: 50 euros
Endrin: 50 euros
Endrin cetona: 50 euros
Etion: 50 euros
Heptaclor: 50 euros
Heptaclor epoxido: 50 euros
Lindano: 50 euros
Metil-paration: 50 euros
Metoxiclor: 50 euros
p,p'-DDD: 50 euros
p,p'-DDE: 50 euros
p,p'-DDT: 50 euros
Paration: 50 euros
Prometrina: 50 euros

Acta da Xunta de Goberno correspondente á ordinaria do 27 de abril de 2017

Propazina: 50 euros

Simazina: 50 euros

Terbutilazina: 50 euros

Terbutina: 50 euros

Trietazina: 50 euros

Os prezos sinalados non inclúen o IVE, aplicándose sobre eles o vixente en cada momento.

e) Análises de radioactividade, dando cumprimento ao Real decreto 314/2016, do 29 de xullo, que modifica o Real decreto 140/2003, entre outros.

Radioactividade - DIT: 120,24 euros

Radioactividade - Radon: 58,45 euros

Radioactividade - Contranálise: 674,453 euros

Os prezos sinalados non inclúen o IVE, aplicándose sobre eles o vixente en cada momento.

2. Non obstante o anterior, só se cobrará o importe da análise completa e as do apartado e) realizándose totalmente gratis o resto de análises e os servizos previstos nos apartados a), b) e c) para aquelas entidades locais que acrediten o cumprimento, ao 1 de xaneiro de 2017, dos obxectivos establecidos nos artigos 111 bis da Lei de augas e na Directiva marco da Unión Europea en materia de xestión de augas residuais. Para os efectos deste convenio, considerarase que os concellos ou, se é o caso, as mancomunidades acadarán os ditos obxectivos sempre que dispoñan, ao 1 de xaneiro de 2016, dunha taxa por abastecemento de auga potable debidamente aprobada e cunha estrutura tarifaria que permita a recuperación dos custos do servizo e desincentive o consumo, en aplicación do principio de que, quen contamina, paga.

Este mesmo réxime de bonificacións poderá obterse nos exercicios posteriores a 2017 nos que se prorrogue a vixencia deste convenio, sempre que as entidades locais acrediten cumprir, ao 1 de xaneiro do exercicio seguinte ao da aplicación das bonificacións, o requisito sinalado no inciso último do parágrafo anterior.

3. Para a aplicación do réxime bonificado previsto no apartado anterior, establécense as seguintes regras:

Acta da Xunta de Goberno correspondente á ordinaria do 27 de abril de 2017

3.A) No suposto de entidades locais que se adhiran ao convenio por primeira vez no exercicio 2017 ou nun exercicio posterior, no acordo de adhesión ao convenio previsto na cláusula 4ª as entidades locais interesadas manifestarán se desexan ou non acollerse ao réxime bonificado, declarando no primeiro caso o seu compromiso de establecer as taxas do servizo de abastecemento de auga coas características sinaladas no parágrafo anterior. En función do contido do acordo de adhesión, procederase do seguinte xeito:

a) No suposto en que a entidade local interesada opte polo réxime non bonificado, a Deputación Provincial aprobará periodicamente as oportunas liquidacións, que se lles notificarán aos concellos outorgándolles un prazo de noventa días para o seu pago. As liquidacións serán trimestrais, por trimestres naturais.

b) No suposto en que a entidade local interesada opte pola aplicación do réxime bonificado, asumindo o compromiso recollido no parágrafo 2 desta cláusula, procederase do seguinte xeito:

- A Deputación aprobará durante a vixencia do convenio as oportunas liquidacións provisionais aplicando o réxime bonificado. As liquidacións serán trimestrais.

- Antes do 20 de xaneiro de 2018, as entidades locais adheridas ao convenio deberán xustificar ante a Deputación o cumprimento, con respecto á taxa de abastecemento de auga potable, dos obxectivos establecidos no artigo 111 bis da Lei de augas e na Directiva marco da auga da Unión Europea. A xustificación realizarase mediante escrito no que se indique a publicación no Boletín Oficial da Provincia do texto da correspondente ordenanza fiscal, ao que se xuntará copia autenticada do estudo económico financeiro empregado no expediente. A Presidencia da Deputación, tras o informe previo dos servizos técnicos provinciais, declarará a conformidade ou desconformidade das tarifas establecidas cos obxectivos sinalados no parágrafo anterior, aprobando a correspondente liquidación definitiva dos prezos polos servizos prestados ao abeiro deste convenio (prezos bonificados no caso de conformidade ou non bonificados no caso de desconformidade), o que se lles notificará ás entidades locais interesadas, outorgándolles un prazo de noventa días para o pago, se é o caso, do importe resultante a favor da Deputación.

Para a acreditación do cumprimento dos requisitos para o acceso á bonificación en exercicios posteriores, as entidades locais interesadas remitirán, antes do 20 de xaneiro do

Acta da Xunta de Goberno correspondente á ordinaria do 27 de abril de 2017

exercicio seguinte ao de aplicación da bonificación, a mesma documentación esixida no parágrafo anterior.

A bonificación manterase de xeito automático nos exercicios posteriores ao seu recoñecemento, sen prexuízo da facultade da Deputación de declarar a súa caducidade no suposto en que a administración provincial teña constancia de que o concello beneficiario deixase de cumprir os requisitos que deron lugar á súa concesión. O expediente de declaración de caducidade da bonificación iniciárase sempre de oficio.

3.B) No suposto de entidades locais adheridas ao convenio do 27 de marzo de 2015 que non se acollesen ao réxime de prezos bonificados ou que, aínda que o solicitasen, non acreditasen cumprir os requisitos para o recoñecemento da bonificación, se desexan acollerse ao réxime de prezos bonificados en 2017 ou nun exercicio posterior, deberán solicitalo expresamente mediante o modelo recollido no anexo II, séndolles de aplicación as regras contidas no apartado 3.A) desta cláusula.

3.C) As entidades locais adheridas ao convenio do 27 de marzo de 2015 que xa no seu día acreditasen cumprir os requisitos para acollerse a esta bonificación, non precisarán acreditarlo de novo, manténdose de xeito automático nos mesmos termos sinalados no parágrafo último do apartado 3.A) precedente.

4ª) Procedemento de adhesión ao convenio

1. As entidades locais que non estivesen adheridas ao convenio anterior deberán remitirle á Deputación Provincial o acto administrativo de adhesión, adoptado polo órgano en cada caso competente conforme co modelo que figura como anexo I, no que se manifestará expresamente se se opta polo réxime ordinario ou polo réxime bonificado do servizo, asumindo, neste último caso, os compromisos correspondentes. A adhesión ao convenio será eficaz desde a data de entrada do documento de adhesión no Rexistro Xeral da Deputación, producindo efectos a partir do primeiro día hábil do mes seguinte ao da súa recepción.

2. No suposto das entidades locais que xa estivesen adheridas ao convenio anterior, entenderase que manteñen a súa adhesión durante todo o exercicio 2017 e sucesivos en tanto non manifesten o contrario. Sen prexuízo do anterior, poderán causar baixa en calquera momento conforme co establecido na cláusula 7ª, liquidándose, en todo caso, os servizos efectivamente prestados conforme coas normas xerais establecidas neste convenio.

Acta da Xunta de Goberno correspondente á ordinaria do 27 de abril de 2017

Ás entidades locais adheridas ao convenio anterior que non acreditasen o cumprimento dos requisitos para a aplicación do réxime de prezos bonificados nese exercicio aplicaráselles o réxime de prezos ordinarios en 2017 e sucesivos exercicios. Non obstante, poderán acollerse ao réxime de prezos bonificados en calquera momento, con efectos a partir do exercicio no que se solicite, mediante instancia axustada ao modelo recollido no anexo II deste convenio. En tanto non se formule esta solicitude, entenderase que a adhesión se mantén no réxime de prezos ordinarios.

5ª) Comisión de Seguimento, Control e Vixilancia

Establécese unha Comisión de Seguimento, Control e Vixilancia do convenio con cada entidade asinante, que estará integrada polo deputado delegado de Cooperación e Seguimento do Plan de Mandato 2015-2019, o director da Área de Medio Ambiente e un representante designado pola entidade local interesada. Actuará como secretaria da comisión a asesora xurídica de Medio Ambiente ou funcionario que legalmente a substitúa, coas funcións propias dun secretario de órgano colexiado conforme co establecido na Sección 3ª, Capítulo II do Título Preliminar da Lei de réxime xurídico das administracións públicas.

A Comisión de Seguimento, Control e Vixilancia reunirse a pedimento de calquera das partes integrantes, e as súas funcións serán as de seguimento da aplicación do convenio, interpretación e resolución de incidencias. No caso de non acadarse un acordo no seo da comisión, a Deputación Provincial resolverá unilateralmente e con carácter executivo o que proceda, sen prexuízo da posibilidade de impugnación deste acto administrativo pola entidade local interesada conforme co sistema de recursos vixente no noso ordenamento xurídico.

6ª) Vixencia

Este convenio producirá efectos conforme coas seguintes regras:

a) Para as entidades locais que xa estivesen adheridas ao convenio anterior, a partir do 1 de abril de 2017.

b) Para as entidades locais que se adhiran por primeira vez neste exercicio ou sucesivos, desde o primeiro día hábil do mes seguinte á data de presentación do documento de adhesión ante a Deputación Provincial.

O convenio terá carácter anual, entendéndose prorrogado automaticamente por anualidades sucesivas se non se denuncia antes do 16 de decembro de cada exercicio e coa

Acta da Xunta de Goberno correspondente á ordinaria do 27 de abril de 2017

duración máxima establecida no artigo 49.h) da Lei 40/2015, de 1 de outubro, de réxime xurídico do sector público.

7ª) Extinción do convenio

Este convenio só poderá ser resolto por denuncia unilateral dunha das partes por incumprimento de obrigas convencionais esenciais. Neste último caso, a entidade interesada comunicará, antes do 16 de decembro de cada ano, a súa decisión de resolver o convenio. Esta decisión será efectiva a partir do 1 de xaneiro do exercicio seguinte ao da súa comunicación.

A liquidación dos convenios resolto corresponderalle, en todo caso, á Deputación Provincial, mediante resolución da Presidencia adoptada tras a audiencia previa da outra parte. Esta resolución será executiva, sen prexuízo da posibilidade da súa impugnación conforme co sistema de recursos legalmente aplicable.

8ª) Natureza e réxime xurídico

Este convenio terá natureza administrativa, correspondéndolle á xurisdición contencioso-administrativa a resolución das controversias sobre a súa validez, eficacia, efectos e extinción.

9ª) Réxime transitorio aplicable ás entidades locais adheridas ao convenio marco do 27 de marzo de 2015

Os servizos prestados durante o exercicio 2017, ata o 31 de marzo, ás entidades locais adheridas ao convenio marco do 27 de marzo de 2015, liquidaranse conforme cos prezos sinalados no dito convenio.

Con data 1 de abril quedará extinguido e sen efectos o anterior convenio do 9 de abril de 2015.

Anexo I

Modelo da parte dispositiva da resolución ou acordo de adhesión ao convenio marco de colaboración para o exercicio 2017 e sucesivos para a prestación pola Deputación Provincial aos concellos ou mancomunidades da provincia do servizo de asistencia técnica para o cumprimento das obrigas municipais previstas no Real decreto 140/2003, do 7 de febreiro, polo que se establecen os criterios sanitarios de calidade das augas de consumo humano.

Acta da Xunta de Goberno correspondente á ordinaria do 27 de abril de 2017

1º) Aprobar a adhesión do Concello de ... / Mancomunidade de ... ao convenio marco de colaboración coa Deputación Provincial de Ourense para a prestación do servizo de asistencia técnica para o cumprimento das obrigas municipais previstas no Real decreto 140/2003, do 7 de febreiro, polo que se establecen os criterios sanitarios de calidade das augas de consumo humano, de conformidade co clausulado aprobado pola Deputación Provincial de Ourense, asumindo as obrigas e compromisos que se recollen no dito convenio.

Exclúense do convenio os seguintes servizos, ao non ser necesarios para esta entidade local, por dispoñer xa deles (indíquese que servizos se exclúen dos que se relacionan a continuación):

Identificación e catalogación dos sistemas de abastecemento e os seus elementos constitutivos.

Formación do persoal da entidade local para a realización da toma de mostras e os controis diarios.

2º) Manifestar expresamente a opción pola seguinte modalidade do convenio (indíquese só a opción que se escolla):

a) O Concello de ... / Mancomunidade de ... acóllese expresamente ao réxime de prezo bonificado, asumindo as obrigas e compromisos previstos na cláusula 3ª.2

b) O Concello de... / Mancomunidade de... acóllese expresamente ao réxime de prezos ordinarios previstos na cláusula 3ª.1.

Anexo II

Modelo da parte dispositiva da resolución ou acordo de solicitude de aplicación do réxime de prezos bonificados no exercicio 2017 (indíquese o ano que proceda, no caso de que solicite nun exercicio posterior a 2017) no convenio marco de colaboración para a prestación pola Deputación Provincial aos concellos ou mancomunidades da provincia do servizo de asistencia técnica para o cumprimento das obrigas municipais previstas no Real decreto 140/2003, do 7 de febreiro, polo que se establecen os criterios sanitarios de calidade das augas de consumo humano.

Solicitalle á Deputación Provincial de Ourense a aplicación durante o exercicio 2017 e seguintes (ou no que proceda) do réxime de prezos bonificados polos servizos de asistencia

Acta da Xunta de Goberno correspondente á ordinaria do 27 de abril de 2017

técnica para o cumprimento das obrigas municipais previstas no Real decreto 140/2003, do 7 de febreiro, asumindo as obrigas e compromisos previstos na cláusula 3ª, apartados 2 e 3.

2º.- Remitirlles o dito convenio ás entidades locais da provincia para os efectos de que procedan á súa adhesión.

3º.- Ordenar a publicación de este acordo no Boletín Oficial da Provincia, para xeral coñecemento.

7.- APROBACIÓN DE SUBVENCIÓN Á ASOCIACIÓN GALLEGA DE FERIAS/EVENTOS (AGAFE).

- No Pleno, con data 27 de xaneiro de 2017, acordouse aprobar o expediente n.º 1/2017 de modificación das bases de execución do actual orzamento, figurando con cargo á aplicación orzamentaria 431.11/480.04 unha subvención nominativa, por importe de 2.000,00 euros, a favor da Asociación Gallega de Ferias/Eventos (AGAFE), para gastos de funcionamento da entidade.

Unha vez vista a documentación presentada polo representante da mencionada entidade, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención á Asociación Gallega de Ferias/Eventos (AGAFE), para gastos de funcionamento da entidade correspondentes ao ano 2017, nos seguintes termos:

-Importe: 2.000,00 euros.

-Obxecto: gastos de funcionamento da entidade correspondentes ao ano 2017.

-Xustificación: a subvención xustificárase mediante a presentación da conta xustificativa simplificada polo importe subvencionado, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente.

De acordo co establecido no artigo 16 da Ordenanza Xeral de Subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do

Acta da Xunta de Goberno correspondente á ordinaria do 27 de abril de 2017
--

vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 30 de novembro de 2017.

8.- APROBACIÓN DE SUBVENCIÓN Á ASOCIACIÓN DE PADRES, PROFESIONALES Y AMIGOS DE PERSONAS CON DISCAPACIDAD INTELLECTUAL SPECIAL OLYMPICS GALICIA.-

No Pleno, con data 27 de xaneiro de 2017, acordouse aprobar o expediente n.º 1/2017 de modificación das bases de execución do actual orzamento, figurando con cargo á aplicación orzamentaria 341.11/482.10 unha subvención nominativa, por importe de 10.000,00 euros, a favor da Asociación de Padres, Profesionales y Amigos de Personas con Discapacidad Intelectual Special Olympics Galicia, para promoción das actividades para persoas con discapacidade.

Unha vez vista a documentación presentada polo representante da mencionada entidade, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención á Asociación de Padres, Profesionales y Amigos de Personas con Discapacidad Intelectual Special Olympics Galicia, para promoción das actividades para persoas con discapacidade na provincia de Ourense, correspondentes ao ano 2017, nos seguintes termos:

-Importe: 10.000,00 euros.

-Obxecto: promoción das actividades para persoas con discapacidade na provincia de Ourense, correspondentes ao ano 2017.

-Xustificación: a subvención xustificárase mediante a presentación da conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente.

Acta da Xunta de Goberno correspondente á ordinaria do 27 de abril de 2017

De acordo co establecido no artigo 16 da Ordenanza Xeral de Subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Ao abeiro do establecido no artigo 31.2 da Lei xeral de subvencións, considerárase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 30 de novembro de 2017.

9.- APROBACIÓN DE SUBVENCIÓN Á DELEGACIÓN ESPAÑOLA DA FUNDACIÓN ADVANCED LEADERSHIP.- No Pleno, con data 30 de setembro de 2016, acordouse consignar no orzamento xeral para o ano 2017, e con cargo á aplicación 48918-43300, a cantidade de 200.000,00 euros a favor da Delegación Española da Fundación Advanced Leadership, para misión comercial.

Unha vez vista a solicitude formulada polo representante da mencionada entidade, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención á Delegación Española da Fundación Advanced Leadership, nos seguintes termos:

-Importe: 200.000,00 euros.

-Obxecto: misión comercial.

-Xustificación: a subvención xustificárase mediante a presentación da conta xustificativa, todo isto de conformidade co que dispoñen os artigos 30 e 31 da Lei xeral de subvencións e o artigo 72 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente.

Acta da Xunta de Goberno correspondente á ordinaria do 27 de abril de 2017

De acordo co establecido no artigo 16 da Ordenanza Xeral de Subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 31 de outubro de 2017

10.- APROBACIÓN DE SUBVENCIÓN Ó CONCELLO DE BANDE.- No Pleno, con data 27 de xaneiro de 2017, acordouse aprobar o expediente n.º 1/2017 de modificación das bases de execución do orzamento correspondente ao ano 2017, figurando con cargo á aplicación orzamentaria 450.12/762.01 unha subvención nominativa, por importe de 13.945,25 euros, a favor do Concello de Bande, para instalación de calefacción na planta baixa do concello.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello de Bande para instalación de calefacción na planta baixa do concello, nos seguintes termos:

-Importe: 13.945,25 euros.

-Obxecto: instalación de calefacción na planta baixa do concello.

-Xustificación: A subvención xustificarse mediante a presentación de certificado expedido pola persoa que teña ao seu cargo o desempeño das funcións de intervención do

Acta da Xunta de Goberno correspondente á ordinaria do 27 de abril de 2017

concello beneficiario, no que se acrediten respecto da actuación subvencionada, os seguintes extremos:

1. Que se cumpriu a finalidade para a que foi concedida a subvención.
2. Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
3. Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.
4. Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 28 de xullo de 2017.

11.- APROBACIÓN DE SUBVENCIÓN Ó CONCELLO DE BAÑOS DE MOLGAS.-

No Pleno, con data 30 de setembro de 2016, acordouse consignar no orzamento xeral para o ano 2017, e con cargo á aplicación 450.12/762.01, a cantidade de 60.000,00 euros a favor do Concello de Baños de Molgas, para infraestruturas municipais.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello de Baños de Molgas, para melloras da rede viaria municipal, nos seguintes termos:

-Importe: 60.000,00 euros.

-Obxecto: melloras da rede viaria municipal.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do

Acta da Xunta de Goberno correspondente á ordinaria do 27 de abril de 2017

concello beneficiario, no que se acrediten respecto da actuación subvencionada, os seguintes extremos:

5. Que se cumpriu a finalidade para a que foi concedida a subvención.
6. Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
7. Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.
8. Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 28 de xullo de 2017.

12.- APROBACIÓN DE SUBVENCIÓN Ó CONCELLO DE CELANOVA.- No Pleno, con data 30 de setembro de 2016, acordouse consignar no orzamento xeral para o ano 2017, e con cargo á aplicación 46205-45012, a cantidade de 25.000,00 euros a favor do Concello de Celanova, para gastos de mantemento da Escola Infantil de Celanova.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello de Celanova, para gastos de mantemento da Escola Infantil de Celanova correspondentes ao ano 2017, nos seguintes termos:

-Importe: 25.000,00 euros.

-Obxecto: gastos de mantemento da Escola Infantil de Celanova correspondentes ao ano 2017

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do

Acta da Xunta de Goberno correspondente á ordinaria do 27 de abril de 2017

concello beneficiario, no que se acrediten respecto da actuación subvencionada, os seguintes extremos:

9. Que se cumpriu a finalidade para a que foi concedida a subvención.
10. Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
11. Que a xustificación da subvención acada o 100% do importe da subvención concedida.
12. Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 30 de novembro de 2017.

13.- APROBACIÓN DE SUBVENCIÓN Ó CONCELLO DA MERCA.- No Pleno, con data 27 de xaneiro de 2017, acordouse aprobar o expediente n.º 1/2017 de modificación das bases de execución do orzamento correspondente ao ano 2017, figurando con cargo á aplicación orzamentaria 450.12/762.01 unha subvención nominativa, por importe de 16.277,51 euros, a favor do Concello da Merca, para maquinaria para o pavillón de deportes.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello da Merca, para adquisición de maquinaria para o pavillón de deportes, nos seguintes termos:

-Importe: 16.277,51 euros.

-Obxecto: adquisición de maquinaria para o pavillón de deportes.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do

Acta da Xunta de Goberno correspondente á ordinaria do 27 de abril de 2017

concello beneficiario, no que se acrediten respecto da actuación subvencionada, os seguintes extremos:

13. Que se cumpriu a finalidade para a que foi concedida a subvención.
14. Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
15. Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.
16. Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 28 de xullo de 2017.

14.- APROBACIÓN DE SUBVENCIÓN Ó CONCELLO DE XUNQUEIRA DE ESPADANEDO.- No Pleno, con data 27 de xaneiro de 2017, acordouse aprobar o expediente n.º 1/2017 de modificación das bases de execución do orzamento correspondente ao ano 2017, figurando con cargo á aplicación orzamentaria 450.12/762.01 unha subvención nominativa, por importe de 30.000,00 euros, a favor do Concello de Xunqueira de Espadanedo, para o Museo de Olería.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a Xunta de Goberno, por unanimidade, acorda aprobar unha subvención ao Concello de Xunqueira de Espadanedo, para funcionamento e realización de actividades no Museo de Olería, de Niñodaguia, correspondentes ao ano 2017, nos seguintes termos:

-Importe: 30.000,00 euros.

-Obxecto: funcionamento e realización de actividades no Museo de Olería, de Niñodaguia, correspondentes ao ano 2017.

Acta da Xunta de Goberno correspondente á ordinaria do 27 de abril de 2017

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se acrediten respecto da actuación subvencionada, os seguintes extremos:

17. Que se cumpriu a finalidade para a que foi concedida a subvención.
18. Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
19. Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.
20. Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 30 de novembro de 2017.

15.- ASUNTOS DE URXENCIA: Non se suscitaron.

16.- COMUNICACIÓNS DA PRESIDENCIA.- Non se presentaron.

17.- ROGOS E PREGUNTAS.- Non se formularon.

E, ás nove horas e trinta minutos, do referenciado día vinte e sete de abril do ano dous mil dezasete, a Presidencia dá por rematada a sesión da Xunta de Goberno, e redáctase esta acta, que se asinará segundo o legalmente establecido.

O PRESIDENTE,

O VICESECRETARIO,